



UNIVERSITÄTS-
BIBLIOTHEK
PADERBORN

Universitätsbibliothek Paderborn

Controversiarvm Omnivm Hvivs Ævi Lvthero-Calvinisticarvm Libri Tres

Coppenstein, Johann Andreas

Mogvntiæ, 1627

Qvæstio IX. An Papa Roman. Imperium transtulerit à Francis ad Saxones?

urn:nbn:de:hbz:466:1-35233

Quo impudentius affingit Illyricus Gratiano in *Dist. 63.* Datam Carolo Potestatem omnem Imp. Constantinopolitani: Imperiumq; in ipsos Papas: Papamq; iuramento subiectum Regi; ac profiteri Papas se Imperatoris esse mancipia.

IV. INSTAT. Leo misit Claves Carolo, & submisit se.

DICO: Papis solenne fuit, & est; clauicula inclusas aureæ reliquias, aut rasuram cathenarum pro honorario mittere Principibus; non tamen eo sese ipsidem submittere. Ita *S. Greg. l. 6. epist. 23. & lib. 7. epist. 126. &c.*

V. INSTAT. Carolus venit Romam, vt Leonem iudica et.

DICO: Non vt iudicaret eum, sed vindicaret de iniuria Romanorum; reliquitque Papam suo ipsius iudicio proprio; qui vlttroneo sese iuramento purgavit coram populo. Et ei Carolus humillime sese submitit, omnia ei summa deferendo. Similibus Mendacijs infarsit librum Illyricus; quæ futilia refutat *Bellarmin. l. 1. de Translation. Imper. c. 1. 2. 3. 13. &c.*

QVÆST. IX.

An Papa Roman. Imperium transtulerit à Francis ad Saxones?

I. IN Gente, lineaque domus Francicæ in Imperium Germanicum est talis

ANNO Christi	SUCCESSIO CAROLINA:
800.	Carolus coronatur Romæ ab Leone III.
815.	Ludovicus Caroli filius coronatur Remis à Stephano IV.

- 822. Lotharius filius coronatur Romæ à Paschali.
- 844. Ludovicus II. Lotharij filius coronatur Romæ à Sergio II.
- 874. Carolus Caluus, Lotharij patruus, Ludouici I. filius, coronatur Romæ ab Ioanne VIII.
- 877. Ludovicus Balbus, Calui filius, coronatur Romæ ab Ioan. VIII. anno 878.
- 896. Arnulphus Carolomanni filius, coronatur Romæ ab Fernofso: vltimus Imperator Carolinus.
- 900. Ludovicus III. Arnulphi filius, successit Rex, sub Stephano VII. non coronatus Imperator.
- 903. Chunradus, Arnulphi nepos, non coronatus. Vltimusq; sanguis Carolini, Rex & non Imperator. Huic successit *Henricus Aucups I.* ex matre Franca, & Patre Saxone oriundus. Huic suus filius Otto successit creatus anno 962. & coronatus Imperator.

II. Papa Ioannes XII. non transtulit Imperium à Francis in Saxonē Henricum I. Quia hic nec vnctionem, nec coronationem, nec Imperatoris titulū vnquam admittere voluit; fuitq; Custos potius Imperij, quam Imperator. Ita æquæuus eius *Vitikingus l. 1. Saxonico- rum gestorum, Vrspersensis in Chron. anno 920. &c.* Vnde sequentes Imperatores Chunradi & Henrici non numerant sua nomina ab isto seu Chunrado, seu Henrico Aucupe: etiam Ludovicus Bauarus se numeravit Quartum, eo quod *Ludovicus*, Arnulphi filius, nec coronatus,

G nec

nec Imperator fuit, dictus *Ignavus*. Atque tres illi ut à Principibus electi fuerint ad regnum, non tamen à Pontifice uncti fuerunt, aut coronati ad Imperium: ut non fuerint Imperatores, nisi fortè designati.

III. OTTO I. Henrici Aucupis filius coronatur Imperator à Ioannæ XII. anno 962. Ita *Luithprandus* eius æqualis, *lib. 6. de gestis Europa, c. 6. Reghino, Marianus*, ac posteri.

I. INSTAT Illyricus. Cardinales scripserunt ad Ottonem & crearunt eum Imperatorem; non Autoritate Papæ factam translationem testantur *Naucleus & Cuspinianus*.

AT utrumque fingit Illyricus. Nam post coronatum Imper. scripserunt ad eum duo Cardinales alia de causa: Et *Cuspin.* in vita Ottonis ait, *Otto Imperium ab agnatione Caroli Magni ablatum, resuperavit Pontificis Maximi auctoritate*. Similiter & *Naucleus* ait.

II. INSTAT. Cardinales literis ad Ottonem accusaverunt Ioannem XII. ut eum deposuerit.

AT *Luithprandus* ait Papam ad Ottonem scripsisse, creasseque Imperatorem. Neque hic illum deposuit unquam; sed Synodo eum permisit, rogatum ut eidem adesset. Accusatum verò ea iniuste iudicavit, contemnens eius excommunicationem, tanquam Episcopi mali, ligare idcirco aut solvere impotentis.

III. INFERT Illyricus: Imperium esse à Francis ad Germanos translatum in electione *Conradi* aut *Henrici*.

AT hi tantum in Reges fuerunt electi, ac Cæsares designati, volente Papa: ita omnes historici, præter *Naucleum* novitium: Qui tamen Ottonem I. à Pa-

pa coronatum agnoscit Imperatorem.

IV. INFERT Illyricus, Imperium Roman. à Francis ad Saxones transisse voluntaria cessione Regum Gallicorum.

AT solus id dixit, & finxit; & historicis, quos citat, affinxit. Adeo verum est contrarium, Gallos inter & Francos utrosque Occid. & Orient. magnam de Imperio fuisse concertationem.

QVÆST. X.

Quando, & à quo Septem viri Electores sint Instituti?

I. ELECTORES VII. sunt ante Gregorium X. Papam, & Fredericum II. Imp. designati. 1. Sic restatur *Martinus Polonus*, *Innocentij IV. Pœnitentiarius*, qui vixit ante obitum *Frederici II.* teste *Onuphrio*. Sic & *S. Thom. Aquinas*, qui vixit ante *Fredericum II.* & obiit ante *Conc. Lugdunense*, ann. 1274. Sic & *B. Augustinus Triumphus*; qui obiit anno 1328. vixit annis 85. & egit annum septimum, quo obiit *Fredericus II.* anno 1250. Sic & *Henricus Hostien. Cardin.* qui floruit anno 1240 ante obitum *Frederici II.* annis 10. ante *Conc. Lugdun.* annis 34. celebratum à *Gregorio X.* &c.

Ergo errat *Auentinus I. 5. Annaliù Boiorum* dicens: *Ego illos post fata Frederici II. institutos, & à Gregorio X. confirmatos compertum habeo*. Errat *Onuphrius lib. de Comitibus* secutus *Auentinum*: Qui fingunt eam Institutionem in *Conc. Lugdun.* factam. Argumenta eorum duo grauia resoluit *Bellarmin. lib. 3. de Translat. Imp. c. 2.* Quæ tamen, cum Institutionem eam à Papa factam profiteantur; nostræ causæ proficiunt, officium nihil.

II. Se-